



BOSNA I HERCEGOVINA  
FEDERACIJA BOSNE I HERCEGOVINE  
Kanton Sarajevo  
Grad Sarajevo  
OPĆINA CENTAR SARAJEVO  
Općinsko vijeće  
Etička komisija Općine Centar

---

**Broj:** 01-04-154/23

**Datum:** 18.10.2023.godine

Na osnovu člana 2. Odluke o obrazovanju Etičke komisije Općine Centar ("Službene novine Kantona Sarajevo", broj 17/22 ) i čl. 16. stav 4, čl. 17. stav 1 i čl. 35. Kodeksa etičkih principa za izabrane zvaničnike i članove radnih tijela Općine Centar Sarajevo ("Službene novine Kantona Sarajevo", broj 7/23), u predmetu prijave vijećnice Senade Bosno za pokretanje postupka utvrđivanje povrede Etičkog kodeksa izabranih zvaničnika i imenovanih članova radnih tijela Općine Centar Sarajevo protiv vijećnice Aide Koluder-Agić, Etička Komisija Općine Centar donosi:

### **ODLUKU**

Vijećnici Aidi Koluder-Agić izriče se javna opomena za povredu osnovnih etičkih principa i standarda utvrđenih u odredbi člana 16. stav (4) Etičkog kodeksa, kao i za podnošenje prijave nenadležnom organu. Vijećnica Aida Koluder- Agić je svoje sumnje u povredu Etičkih principa druge vijećnice Senade Bosno prijavila nenadležnom organu, a ne Etičkoj Komisiji Općine Centar.

### **Obrazloženje**

Dana 04.04.2023.godine, vijećnica Senada Bosno je Etičkoj komisiji podnijela Prijavu za pokretanje postupka utvrđivanje povrede Etičkog kodeksa izabranih zvaničnika i imenovanih članova radnih tijela Općine Centar Sarajevo, protiv vijećnice Aide Koluder-Agić. Po prijemu prijave Etička komisija je utvrdila da nije podnesen pismeni zahtjev za izuzeće člana Etičke komisije, da je predmetna prijava blagovremena, uredno dostavljena od ovlaštenog lica na propisanom obrascu.

Komisija je odlučila da stranke u predmetnom postupku neće prisustvovati sastanku komisije shodno članu 7. Poslovnika o radu Etičke komisije Općinskog vijeća.

Zatim, je prijava podnesena od strane vijećnice Senade Bosno, dostavljena na očitovanje o istoj vijećnici Aidi Koluder-Agić, čime je Etička komisija pokrenula postupak utvrđivanja povrede Etičkog kodeksa.

Dopis i prijava su dostavljena vijećnici Aidi Koluder-Agić, te je od strane Komisije traženo da se imenovana očituje o zaprimljenoj prijavi vijećnice Senade Bosno.

Osim toga, s ciljem donošenja objektivnog zaključka Etičke komisije Općine Centar o zaprimljenoj prijavi vijećnice Senade Bosno, upućen je dopis i direktoru JU Centar za sport i rekreaciju Sarajevo Mirzi Muzuroviću da dostavi informaciju ko je naručio

angažman ekspertne institucije za utvrđivanje kvaliteta podloge na travnjaku Stadiona Koševo.

Obzirom da vijećnica Aida Koluder- Agić nije odmah dostavila svoje izjašnjenje na prijavu, Komisija je ponovo uputila dopis vijećnici Aidi Koluder- Agić, uz napomenu da se do dana 25.04.2023.godine, očituje po prijavi, što je imenovala i učinila dana 25.04.2023.godine.

Nakon pismenog očitovanja vijećnice Aide Koluder- Agić, dana 10.5.2023.godine, održana je i usmena rasprava na sjednici Komisije na kojoj su prisustvovala vijećnica Senada Bosno i Aida Koluder – Agić, kako bi mogle da iznesu eventualno nove dokaze, informacije ili detalje, pored onoga što su poslale u pisanoj formi, a na osnovu kojih bi Etička komisija donijela odgovarajuću odluku.

U toku daljeg postupka, vijećnica Senada Bosno je dostavila Rješenje o oslobađanju radnika od odgovornosti koje je dobila od JU „Centar za sport i rekreaciju“ i tražila da navedeno rješenje bude integralni dio dokumentacije i direktor JU „Centar za sport i rekreaciju“ Mirza Muzurović je dostavio dopis kojim je navedeno da je JU „Centar za sport i rekreaciju“ naručila traženi Izvještaj Federalnog zavoda za agropedologiju, a ne radnici samoinicijativno.

Imajući u vidu sve naprijed navedeno a nakon sprovedenog postupka koji je pokrenula vijećnica Senada Bosno koja je Etičkoj komisiji podnijela Prijavu za pokretanje postupka utvrđivanje povrede Etičkog kodeksa izabranih zvaničnika i imenovanih članova radnih tijela Općine Centar Sarajevo, protiv vijećnice Aide Koluder Agić, Etička komisija je na osnovu člana 17.stav 1 Etičkog kodeksa donijela Odluku da se na osnovu člana 17.stav 1, vijećnici Aidi Koluder- Agić izrekne sankcija, tj javna opomena, kao u dispozitivu rješenja. Etička komisija smatra da je prekršena odredba Etičkog kodeksa član 16. stav 4, zbog činjenice da je svoje sumnje u povredu Etičkih principa druge vijećnice Senade Bosno prijavila nenadležnom organu, a ne Etičkoj Komisiji Općine Centar.

Važno je naglasiti da je od pokretanja postupka utvrđivanje povrede Etičkog kodeksa izabranih zvaničnika i imenovanih članova radnih tijela Općine Centar Sarajevo, protiv vijećnice Aide Koluder- Agić, postupak privremeno zaustavljen, do donošenja Odluke o obrazovanju Drugostepene etičke komisije na 32. redovnoj sjednici Općinskog vijeća 28.09.2023. godine, čime su se stekli uvjeti da se Odluka dostavi vijećnicama Senadi Bosno i Aidi Koluder-Agić, i postupak nastavi.

**Pouka o pravnom lijeku:** Protiv ove odluke može se izjaviti žalba Drugostepenoj etičkoj komisiji u roku od 15 dana od dana prijema rješenja.

**Dostaviti:**

- 1.Vijećnica Aida Koluder-Agić
- 2.Vijećnica Senada Bosno
- 3.Evidencija
- 4.Arhiva



U skladu sa članom 6. i 11. Zakona o izboru, prestanku mandata, opozivu i zamjeni načelnika općina u Federaciji Bosne i Hercegovine ("Službene novine Federacije BiH", broj 19/08), a u vezi sa članom 23. i na osnovu člana 10. stav 1. alineja druga, Statuta Općine Centar Sarajevo ("Službene novine Kantona Sarajevo", broj 23/04 - Prečišćeni tekst), Općinsko vijeće Centar Sarajevo je na 34.redovnoj sjednici održanoj dana 07.12.2023.godine,donijelo

## ODLUKU

### O STAVLJANJU VAN SNAGE ODLUKE O POKRETANJU OPOZIVA NAČELNIKA OPĆINE CENTAR SARAJEVO

#### Član 1.

Ovom Odlukom se stavlja van snage Odluka o pokretanju postupka opoziva načelnika Općine Centar Sarajevo Srđana Mandića ("Službene novine Kantona Sarajevo", broj 35/23,39/23i44/23).

#### Član 2.

Komisije za provođenje postupka opoziva načelnika Općine Centar Sarajevo, u roku od 10 dana od dana stupanja na snagu ove odluke, podnosi Općinskom vijeću konačan izvještaj o svom radu i prestaje s radom.

#### Član 3.

Stavlja se van snage Uputstvo za provođenje postupka opoziva načelnika Općine Centar Sarajevo ("Službene novine Kantona Sarajevo", broj 35/23)

Ova Odluka stupa na snagu narednog dana od dana objavljivanja u "Službenim novinama KantonaSarajevo".



Predsjedavajući  
Općinskog vijeća

**Sejad Đozo**

Broj:01-04-370/23

Sarajevo,07.12.2023.godine

Ova Odluka objavljena je na oglasnoj ploči  
Općine Centar Sarajevo dana 11-12-2023



Na osnovu čl. 10. i 20. Statuta Općine Centar Sarajevo- Prečišćen tekst ("Službene novine Kantona Sarajevo", broj 23/04), te člana 30. stav (1) Poslovnika Općinskog vijeća Centar Sarajevo-prečišćen tekst ("Službene novine Kantona Sarajevo", br. 23/04, 11/13, 13/17, 24/19, 31/19 i 29/20) Općinsko vijeće Centar Sarajevo je, na 34.redovnoj sjednici održanoj dana 07.12.2023.godine, donijelo

## ODLUKU

### O IMENOVANJU ČLANA KOMISIJE ZA BUDŽET I FINANSIJE

#### Član 1.

Za člana Komisije za Budžet i finansije imenuje se Zajim Adilović.

#### Član 2.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Broj: 01-04-365/23  
Sarajevo,07.12.2023. godine



Ova Odluka objavljena je na oglasnoj ploči Općine Centar Sarajevo dana

11-12-2023

Na osnovu čl. 10. i 20. Statuta Općine Centar Sarajevo- Prečišćen tekst ("Službene novine Kantona Sarajevo", broj 23/04), te člana 30. stav (1) Poslovnika Općinskog vijeća Centar Sarajevo-prečišćen tekst ("Službene novine Kantona Sarajevo", br. 23/04, 11/13, 13/17, 24/19, 31/19 i 29/20) Općinsko vijeće Centar Sarajevo je, na 34. redovnoj sjednici održanoj dana 07.12.2023.godine, donijelo

## ODLUKU

### O RAZRJEŠENJU ČLANA KOMISIJE ZA STATUT I PROPISE

#### Član 1.

Sead Ćupina, razrješava se dužnosti člana Komisije za Statut i propise.

#### Član 2.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Broj: 01-04-366/23

Sarajevo, 07.12.2023. godine



Ova Odluka objavljena je na oglasnoj ploči Općine Centar Sarajevo dana

11-12-2023

Na osnovu čl. 10. i 20. Statuta Općine Centar Sarajevo- Prečišćen tekst ("Službene novine Kantona Sarajevo", broj 23/04), te člana 30. stav (1) Poslovnika Općinskog vijeća Centar Sarajevo-prečišćen tekst ("Službene novine Kantona Sarajevo", br. 23/04, 11/13, 13/17, 24/19, 31/19 i 29/20) Općinsko vijeće Centar Sarajevo je, na 34.redovnoj sjednici održanoj dana 07.12.2023.godine, donijelo

## ODLUKU

### O IMENOVANJU ČLANA KOMISIJE ZA STATUT I PROPISE

Član 1.

Za člana Komisije za Statut i propise, imenuje se Mušić Sonja.

Član 2.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Broj: 01-04-367/23  
Sarajevo,07.12.2023. godine



Ova Odluka objavljena je na oglasnoj ploči Općine Centar Sarajevo dana

11-12-2023

Na osnovu čl. 10. i 20. Statuta Općine Centar Sarajevo- Prečišćen tekst ("Službene novine Kantona Sarajevo", broj 23/04), te člana 30. stav (1) Poslovnika Općinskog vijeća Centar Sarajevo-prečišćen tekst ("Službene novine Kantona Sarajevo", br. 23/04, 11/13, 13/17, 24/19, 31/19 i 29/20) Općinsko vijeće Centar Sarajevo je, na 34.redovnoj sjednici održanoj dana 07.12.2023.godine, donijelo

## ODLUKU

### O RAZRJEŠENJU ČLANA KOMISIJE ZA KULTURU I SPORT

#### Član 1.

Salem Dučić, razrješava se dužnosti člana Komisije za kulturu i sport.

#### Član 2.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Broj: 01-04-368/23

Sarajevo,07.12.2023. godine



Ova Odluka objavljena je na oglasnoj ploči Općine Centar Sarajevo dana

11-12-2023



Na osnovu čl. 10. i 20. Statuta Općine Centar Sarajevo- Prečišćen tekst ("Službene novine Kantona Sarajevo", broj 23/04), te člana 30. stav (1) Poslovnika Općinskog vijeća Centar Sarajevo-prečišćen tekst ("Službene novine Kantona Sarajevo", br. 23/04, 11/13, 13/17, 24/19, 31/19 i 29/20) Općinsko vijeće Centar Sarajevo je, na 34.redovnoj sjednici održanoj dana 07.12.2023.godine, donijelo

## ODLUKU

### O IMENOVANJU ČLANICE KOMISIJE ZA KULTURU I SPORT

Član 1.

Za članicu Komisije za kulturu i sport, imenuje se Potura Anela.

Član 2.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Broj: 01-04-369/23  
Sarajevo,07.12.2023. godine



Predsjedavajući Općinskog vijeća

Mr. Sejad Đozo

Ova Odluka objavljena je na oglasnoj ploči Općine Centar Sarajevo dana

11-12-2023



Na osnovu člana 13. stav 2. Zakona o principima lokalne samouprave u Federaciji BiH («Službene novine FBiH», br. 49/06 i 51/09), čl. 10. i 68. Statuta Općine Centar Sarajevo-prečišćeni tekst ("Službene novine Kantona Sarajevo", broj 23/04) i čl. 6. i 16. Odluke o dodjeli u zakup poslovnih zgrada i prostorija Općine Centar Sarajevo ("Službene novine Kantona Sarajevo", br. 49/17, 21/18, 23/21, 24/22, 31/22, 45/22, 21/23 i 30/23), Općinsko vijeće Centar Sarajevo je, na 34.redovnoj sjednici, održanoj dana 07.12.2023.godine, donijelo

## **ODLUKU**

**o stavljanju van snage odluke broj: 01-19-6168/23 od 28.09.2023. godine**

### **Član 1.**

Ovom Odlukom stavlja se van snage Odluka broj: 01-19-6168/23 od 28.09.2023. godine o dodjeli u zakup poslovnih prostorija Općine Centar Sarajevo Memiš Mustafi iz Sarajeva u ulici Maršala Tita 54 (suteran), površine 31 m<sup>2</sup>.

### **Član 2.**

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo" i web-stranici Općine Centar Sarajevo.

**Broj: 01-19-7930/23**  
**Sarajevo,07.12.2023.godine**

**Predsjedavajući Općinskog vijeća**  
**Sejad Đozo**



Ova Odluka objavljena je na oglasnoj ploči Općine Centar Sarajevo dana

**11-12-2023**

Na osnovu člana 13. stav 2. Zakona o principima lokalne samouprave u Federaciji BiH («Službene novine FBiH», br. 49/06 i 51/09), čl. 10. i 68. Statuta Općine Centar Sarajevo-prečišćeni tekst ("Službene novine Kantona Sarajevo", broj 23/04) i čl. 6. i 16. Odluke o dodjeli u zakup poslovnih zgrada i prostorija Općine Centar Sarajevo ("Službene novine Kantona Sarajevo", br. 49/17, 21/18, 23/21, 24/22, 31/22, 45/22, 21/23 i 30/23), Općinsko vijeće Centar Sarajevo je, na 34.redovnoj sjednici, održanoj dana 07.12.2023.godine, donijelo

**O D L U K U**  
**o dodjeli u zakup poslovnih prostorija**  
**Općine Centar Sarajevo u ulici Nikole Kašikovića 9**

**Član 1.**

Dodjeljuju se u zakup na dvije (2) godine poslovne prostorije u ulici Nikole Kašikovića 9, površine 57 m<sup>2</sup> (9,40 m<sup>2</sup> prizemlje i 47,60 m<sup>2</sup> podrumске prostorije) neposrednom pogodbom po osnovu prava prvenstva Obućina Nikoli iz Sarajeva, za obavljanje djelatnosti u skladu sa Odlukom o obavljanju poslovnih djelatnosti u određenim ulicama na području Općine Centar Sarajevo («Službene novine Kantona Sarajevo», br. 30/15 i 26/16), sa iznosom zakupnine od 12,00 KM/m<sup>2</sup> za prizemlje i 6,00 KM/m<sup>2</sup> za podrumске prostorije.

**Član 2.**

Korisniku iz člana 1. Odluke poslovne prostorije se dodjeljuju u zakup pod uslovom zaključenja notarski obrađenog ugovora o zakupu sa klauzulom izvršnosti pri čemu snosi troškove izrade notarski obrađenog ugovora, ili plaćanjem pologa na račun Općine Centar u visini jednogodišnje zakupnine ili izdavanjem bankarske garancije za svaku godinu trajanja ugovora.

**Član 3.**

Na osnovu ove Odluke Općinski načelnik će sa korisnikom iz člana 1. Odluke zaključiti ugovor o zakupu poslovnih prostorija.

**Član 4.**

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u „Službenim novinama Kantona Sarajevo“ i na web-stranici Općine Centar Sarajevo.

Broj: 01-19-7931/23  
Sarajevo,07.12.2023.godine

Ova Odluka objavljena je na oglasnoj ploči Općine Centar Sarajevo dana 11-12-2023



Na osnovu člana 25. stav 7 i člana 32. stav 3 Zakona o prostornom uređenju Kantona Sarajevo ("Službene novine Kantona Sarajevo", broj 24/17 i 1/18), te člana 10. i 68. Statuta Općine Centar Sarajevo - Prečišćeni tekst („Službene novine Kantona Sarajevo“, broj 23/04), Općinsko vijeće Centar Sarajevo, na 34.redovnoj sjednici održanoj dana 07.12.2023. godine, donijelo je

## ODLUKU

### O STAVLJANJU VAN SNAGE ODLUKE O PRISTUPANJU IZRADI IZMJENA I DOPUNA REGULACIONOG PLANA GRADSKI PARK „CRNI VRH“

*-izgradnja stambenog ansambla u ulici Omera Stupca-*

#### Član 1.

Stavlja se van snage Odluka o pristupanju izradi izmjena i dopuna Regulacionog plana „Crni Vrh“-  
*izgradnja stambenog ansambla u ulici Omera Stupca-* („Službene novine Kantona Sarajevo, broj 9/20).

#### Član 2.

Ova Odluka stupa na snagu narednog dana od dana objavljivanja na Oglasnoj ploči Općine Centar, a naknadno će biti objavljena u „Službenim novinama Kantona Sarajevo“.

Broj:01-19-7925/23

Datum: 07.12.2023. godine

Predsjedavajući Općinskog vijeća  
Sejad Đozo



Ova Odluka objavljena je na oglasnoj ploči Općine Centar Sarajevo dana

11-12-2023

Na osnovu člana 13. Zakona o principima lokalne samouprave u Federaciji BiH („Službene novine Federacije BiH“, broj 49/06, 51/09), čl. 10. i 68. Statuta Općine Centar Sarajevo - prečišćen tekst („Službene novine Kantona Sarajevo“, broj 23/04), Općinsko vijeće Centar Sarajevo, na 34. redovnoj sjednici održanoj dana 07.12.2023. godine, donosi

**P R A V I L N I K**  
**O STIPENDIRANJU UČENIKA I STUDENATA**  
**„PROF. DR. HUSEIN KULENOVIĆ“**

**I - OPĆE ODREDBE**

**Član 1.**

(1) Pravilnikom o stipendiranju učenika i studenata „Prof. dr. Husein Kulenović“ (u daljem tekstu: Pravilnik) utvrđuju se opće odredbe, pravo i uslovi za ostvarivanje općinske stipendije učenika i studenata državljana Bosne i Hercegovine, koji se nalaze na redovnom školovanju u srednjim i visokoškolskim ustanovama, a imaju prebivalište na području općine Centar u neprekidnom trajanju od godinu dana do dana podnošenja prijave za dodjelu stipendije.

**II - PRAVO I USLOVI**

**Član 2.**

(1) Pravo na stipendiju po ovom Pravilniku imaju učenici i studenti koji se redovno školuju starosti do 25 godina, koji nisu obnavljali godinu i koji su u prethodnoj školskoj/akademske godini postigli uspjeh u školi, odnosno fakultetu/akademiji i to:

- a) učenici srednjih škola sa najmanjom prosječnom ocjenom od **4,00**, a učenici prvog razreda srednje škole koji su u devetom razredu stekli prosjek ocjena **4,00**.
- b) redovni studenti fakulteta/akademija koji prvi put upisuju tekuću studijsku godinu na nekoj od visokoškolskih ustanova sa najmanjom prosječnom ocjenom **8,00**, a studenti prve godine fakulteta/akademije koji su u četvrtom razredu srednje škole stekli prosjek ocjena od najmanje **4,00**.
- c) svi učenici sa ukupnim prosjekom ocjena **5,00** kao i učenici prvog razreda srednje škole koji su u šestom, sedmom, osmom i devetom razredu osnovne škole ostvarili prosjek 5,00, te studenti sa prosjekom ocjena **(9,00)** i više ostvaruju pravo na dodjelu stipendije, bez obzira na ukupan broj bodova prikupljen na osnovu drugih kriterija po ovom Pravilniku.

(2) Pravo na stipendiju ostvarit će i djeca umrlih uposlenika Općine Centar Sarajevo, koja se nalaze na redovnom školovanju u osnovnim i srednjim školama, te visokoškolskim ustanovama, bez obzira na kriterije utvrđene ovim Pravilnikom, te djeca bez oba roditelja koja se nalaze na redovnom školovanju u srednjim školama i visokoškolskim ustanovama.

(3) Pravo na stipendiju ne mogu ostvariti učenici/studenti koji koriste stipendiju po nekom drugom osnovu, koji su obnovili godinu i apsolventi.

**Član 3.**

(1) Općinski načelnik, na prijedlog službe nadležne za poslove obrazovanja (u daljem tekstu: Služba), donosi Plan stipendiranja učenika i studenata za tekuću školsku/akademske godinu, a shodno potrebama i raspoloživim finansijskim sredstvima utvrđenim prijedlogom Budžeta za godinu za koju se plan i donosi.



- (2) Ukoliko se iz određenog razloga ne prijavi dovoljan broj kandidata u skladu sa Planom iz stava (1) ovog člana, Općinski načelnik zadržava pravo da predviđena sredstva preusmjeri na ostale kandidate, kako bi se planirana sredstva iskoristila.
- (3) Plan provodi Općinski načelnik putem Službe, a isplata stipendija precizira se Ugovorom o stipendiranju.

#### **Član 4.**

- (1) Stipendije se dodjeljuju za jednu školsku/akademsku godinu i isplaćuju se za (10) mjeseci, u kojima se nastava odvija.
- (2) Visina mjesečne stipendije za učenike i studente iznosi:
  - a) za učenike srednjih škola sa prosječnom ocjenom od 4,00 do 4,49 - 120,00 KM;
  - b) za učenike srednjih škola sa prosječnom ocjenom od 4,50 do 4,99 - 150,00 KM;
  - c) za učenike srednjih škola sa prosječnom ocjenom od 5,00 - 200,00 KM;
  - d) za studente sa prosječnom ocjenom od 8,00 do 8,49 - 150,00 KM;
  - e) za studente sa prosječnom ocjenom od 8,50 do 9,49 - 200,00 KM
  - f) za studente sa prosječnom ocjenom od 9,50 do 10,00 - 250,00 KM;

### **III - IZBOR KANDIDATA**

#### **Član 5.**

- (1) Izbor kandidata za stipendiranje vrši se na osnovu kriterija iz člana 9. ovog Pravilnika, a putem prijave na javni poziv.
- (2) Javni poziv raspisuje Općinski načelnik na prijedlog Službe.
- (3) Javni poziv se objavljuje u dnevnim novinama, oglasnoj ploči i zvaničnoj web stranici Općine, najkasnije do 31.12. za tekuću školsku/akademsku godinu, a sadrži pravo i uslove koje kandidati moraju ispunjavati, rok za podnošenje prijave, potrebnu dokumentaciju, način podnošenja prigovora i druge potrebne podatke.

#### **Član 6.**

- (1) Pristigle prijave svih kandidata za stipendiranje obrađuje Služba i na osnovu obrađenog materijala donosi i objavljuje preliminarnu rang listu učenika i studenata.
- (2) Preliminarna rang lista objavljuje se na oglasnoj ploči i web stranici Općine Centar Sarajevo.
- (3) Na listu iz stava (1) ovog člana kandidati mogu u roku od osam dana od dana objavljivanja iste, podnijeti pismeni prigovor Komisiji za razmatranje prigovora koju imenuje Općinski načelnik (u daljem tekstu: Komisija).
- (4) Odluku o prigovoru, Komisija će donijeti u istom roku, računajući od dana njegovog podnošenja.
- (5) Konačnu odluku o izboru učenika i studenata za stipendiranje donosi Općinski načelnik.
- (6) Svaki prijavljeni kandidat na konkurs pismeno se obavještava o rezultatima konkursa u roku od 15 dana od dana donošenja konačne odluke.

#### **Član 7.**

- (1) Sa izabranim kandidatom zaključuje se ugovor o dodjeli stipendije kojim se regulišu međusobna prava i obaveze učenika/studenata i Općine Centar, Sarajevo.
- (2) Ugovor potpisuje učenik/student i Općinski načelnik u ime Općine Centar Sarajevo, a za maloljetne učenike ugovor potpisuje roditelj/staratelj kandidata.

#### **Član 8.**

- (1) Pravo Općinskog načelnika je da obustavi isplatu stipendije učeniku/studentu ukoliko:
  - a) napusti redovno školovanje,

- b) izgubi pravo na dalje školovanje iz neopravdanih razloga;
- c) se utvrdi da prima stipendiju po istom osnovu;
- d) promijeni mjesto prebivališta.

(2) U slučajevima predviđenim u stavu (1) ovog člana, potpisnik Ugovora o stipendiranju dužan je da vrati iznos sredstava ostvaren nakon gubitka prava na stipendiju najkasnije do kraja tekuće školske/akademske godine za koju je primio stipendiju po osnovu ovog Pravilnika.

(3) Studentima koji nakon potpisivanja ugovora o stipendiranju, svoje školovanje nastave van granica BiH, neće se obustaviti isplata stipendije.

#### **IV - KRITERIJI ZA DODJELU STIPENDIJA**

##### **Član 9.**

Osnovni kriterij za dodjelu stipendija je rezultat postignut u učenju u prethodnoj školskoj/studijskoj godini, dok se dodatni kriteriji utvrđuju na osnovu rezultata postignutih na takmičenjima, završene osnovne muzičke škole, dostignuća u sportu, učešća na takmičenjima i smotrama koje organizuje Općina Centar i nadležno ministarstvo.

##### **Član 10.**

Bodovanje kandidata po osnovu rezultata u učenju vrši se na sljedeći način:

- a) za učenike prvog razreda srednje škole prosječna ocjena u završnom razredu osnovne škole zaokružena na dvije decimale i pomnožena sa 9 (prosječna ocjena x 9),
- b) za učenike viših razreda srednjih škola prosječna ocjena u prethodnoj školskoj godini zaokružena na dvije decimale i pomnožena sa 10 (prosječna ocjena x 10),
- c) za studente na prvoj godini studija prosječna ocjena u četvrtom razredu srednje škole zaokružena na dvije decimale i pomnožena sa 18 (prosječna ocjena x 18),
- d) za studente viših godina fakulteta/akademija prosječna ocjena u prethodnoj godini studija zaokružena na dvije decimale i pomnožena sa 10 (prosječna ocjena x 10).

##### **Član 11.**

Dodatno bodovanje utvrđuje se na osnovu sljedećih kriterija.

- (a) bodovanje po osnovu postignutih rezultata na takmičenjima iz oblasti obrazovanja, nauke i umjetnosti koja se realizuju u skladu sa kalendarom takmičenja ministarstva nadležnog za poslove obrazovanja u Kantonu Sarajevo (izuzev rezultata ostvarenih na takmičenjima iz sporta)

<b>Nivo takmičenja</b>	<b>Bodovi za učešće</b>	<b>Osvojeno mjesto</b>	<b>Bodovi za osvojeno mjesto</b>
Općinsko	0	1.	<b>3</b>
		2.	<b>2</b>
		3.	<b>1</b>
Kantonalno	1	1.	<b>4</b>
		2.	<b>3</b>
		3.	<b>2</b>
Federalno	2	1.	<b>7</b>
		2.	<b>6</b>
		3.	<b>5</b>
Državno	3	1.	<b>10</b>
		2.	<b>9</b>
		3.	<b>8</b>

Međunarodno	4	1.	<b>13</b>
		2.	<b>12</b>
		3.	<b>11</b>
Olimpijada	5	1.	<b>16</b>
		2.	<b>15</b>
		3.	<b>14</b>

Napomena: Osvojeno mjesto isključuje bodove po osnovu učešća.

- a) bodovi po osnovu završenog dodatnog obrazovanja i dostignuća u sportu
- 1) kandidat koji ima završenu osnovnu muzičku školu – 1 bod
  - 2) učenik koji je status perspektivnog sportiste Kantona Sarajevo ostvario u prethodnoj školskoj godini – 1 bod

### Član 12.

(1) Kada prijavljeni kandidati imaju jednak broj bodova, prednost će imati:

- a) onaj kandidat koji ima više bodova po osnovu rezultata u učenju,
- b) kandidat iz viših razreda, odnosno godina studija.

(2) U slučaju da se prijavi veći broj kandidata koji ispunjavaju uslove Javnog poziva, a to pravo ne mogu ostvariti zbog nedostatka planiranih sredstava u budžetu predviđenih za stipendije, Općinski načelnik može predložiti Općinskom vijeću da donese odluku o odobravanju dodatnih novčanih sredstava za ovu namjenu ukoliko takva mogućnost postoji.

## V - PRELAZNE I ZAVRŠNE ODREDBE

### Član 13.

Stupanjem na snagu ovog Pravilnika prestaje da važi Pravilnik o dodjeli stipendije „Prof. dr. Husein Kulenović“ učenicima i studentima („Službene novine Kantona Sarajevo“, broj: 23/20).

### Član 14.

Ovaj Pravilnik stupa na snagu danom objavljivanja na Oglasnoj ploči Općine Centar Sarajevo, s tim da će se naknadno objaviti u "Službenim novinama Kantona Sarajevo".

Broj:01-11-11520/23  
Sarajevo, 07.12.2023. godine



Ovaj pravilnik je objavljen na oglasnoj ploči Općine Centar

11-12-2023